

ত্রিপুরা সরকার
তথ্য ও সংস্কৃতি অধিকার

স-২০৪১(আগরতলা, ১৩।৯)
বিশালগড়, ১৩ সেপ্টেম্বর, ২০১৭

রাজ্যে স্বেচ্ছা রক্তদান শিবির উৎসবে পরিণত
-তথ্য ও সংস্কৃতি মন্ত্রী

রক্তদানের মধ্য দিয়ে মানুষের প্রকৃত সেবা করা যায়। রক্তদান এমনই দান যে দানের মাধ্যমে জাত-পাত, উচু-নীচু, ধর্মীয় ভেদাভেদ সব দূর হয়ে যায়। আজ বিশালগড় পঞ্চায়েত সমিতি হলে বিশালগড় ব্লক সাক্ষরতা সমিতির উদ্যোগে আয়োজিত স্বেচ্ছা রক্তদান শিবিরের উদ্বোধন করে একথা বলেন তথ্য ও সংস্কৃতি মন্ত্রী ভানুলাল সাহা। তিনি বলেন, রাজ্যে স্বেচ্ছা রক্তদান শিবির আজ একটি উৎসবে পরিণত হয়েছে। রক্তদানে নিজের যেমন উপকার হয় তেমনি অন্যেরও উপকার হয়। রক্তদান সম্পর্কে এখনো কিছু অংশের মানুষের মনে ভয় রয়েছে। সচেতনতার মধ্য দিয়ে তা দূর করতে হবে। সেবামূলক মনোভাব নিয়ে স্বেচ্ছায় রক্তদানে সবাইকে আরও এগিয়ে আসার জন্য তিনি আহ্বান জানান। রক্তদান শিবিরের উদ্বোধনী অনুষ্ঠানে অন্যান্যদের মধ্যে উপস্থিত ছিলেন বিশালগড় পঞ্চায়েত সমিতির ভাইস চেয়ারম্যান দীপক পাল। সভাপতিত্ব করেন বিশালগড় পঞ্চায়েত সমিতির চেয়ারম্যান দুর্লন সরকার (হাজারী)। স্বাগত ভাষণ রাখেন বিশালগড় ব্লকের বি ডি ও রতন ভৌমিক। আজকের এই শিবিরে ৩২জন স্বেচ্ছায় রক্তদান করেন।

This document is a Smart PDF product. To remove this message, please purchase the product at www.SmartPDFConverter.com